



Minggu, 21 April 2024

Ogen : Judas 1:3



Mperjuangkan Arah Tulisen



R.A Kartini, sekalak diberu anak bangsawan i Jepara, Jawa Tengah nggo berpikiren maju i bas masana. Sekalak penggerak emansipasi wanita si banci ilacak arah bukuna *Habis Gelap Tebitlah Terang*. I bas bukuna, ia nuliskan kerna sada perjuangan wanita gelah banci ndatken hak nandangi pendidikan si meganjang. Emansipasi e me usaha guna ndatken persamaan hak politik, kesetaraan gender bagepe persamaan hak i bas bidang sideban. Melepaskan diri arah kedudukan rendah wanita, si membatasi wanita guna berkembang ras maju i bas kerina bidang kegeluhen i masyarakat.

Judas pe nuliskan surat man perpulungen si enggo tek man Dibata bagepe nggeluh i bas keleng ate Tuhan. Isina e me perjuangan kerna kiniteken. Sabap nggo reh kalak si atena erbahansa lalar dengen papak perpulungen e alu mutarbaliken kebenaren lias ate Tuhan guna mbenarken perbahanenna si nggesuh.

Bali ras hak wanita si iperjuangkan Kartini arah tulisenna, Judas pe arah suratna nuriken maka kiniteken pe arus iperjuangkan. Mungkin Kartini ras Judas labo banci menjangkau dengen ndahi kerina diberu-diberu i Indonesia bagepe kalak-kalak Kristen i mbelang-mbelang doni enda. Tapi arah tulisen subuk arah surat ras buku, maka kerina kalak banci ngogesa dengen meteh kerna perjuangan e. Sabap mbue perjuangan guna kebenaren labo arus ncidahkan bana ku jelma si nterem, erbahan aksi, demo rsd tapi tulisen pe banci ncidahkan sada perjuangan si luar biasa subuk nandangi keadilan hak bagepe nandangi kiniteken.

Sabap sekalak sastrawan si tergelar Pramoedya Ananta Toer pernah ngerana, "Orang boleh pandai setinggi langit, tetapi selama ia tidak menulis, ia akan lenyap ditelan sejarah". Selamat hari Kartini tetaplah erjuang.

 *"Tutus erjuang mereken ulih bas pakšana"*